

百

衲

詩

集

芝

瑛

題

溫州市圖書館

百衲詩序

詩之爲道騁吾才者也其才之大者苞乳萬有旁魄六合方羊旁唐無不如志其小者一物一名皆有以自見獨才之不逮則氣不足舉其辭雖排比音律雕鏤文字識者叫之而已規厂公子之詩其雄於才者乎方冠耳所積已盈卷帙瑩如珠函雪如劍斷鳴鸞鳳之鏘然躍虎豹而躩爾如方舟踔海鼉龍變怪崢嶸並出不可端倪如升嵩衡而觀衆山之俯仰也固其姿絕特亦所居與養崇高壯偉有以縱之然乎夫道學無涯視其力之所至以規厂之才不規規乎所有將益睇乎道德之樊



溫州市圖書館

15.45  
索書號碼 B4044

登記號碼 09831

共4冊

百衲詩集 偶叔館詩集藏庫詩集

共 4 冊 存 4 冊 排架號

百納詩集  
放乎聊浪之宇載雅藝以爲翰策神明之六馬不已於  
行物無園者夫孰測其所處耶茲集也猶累土之始基  
而已遼乎往哉吾方跂踵以觀未敢自厓而返也丁巳  
仲春月桐城吳闔生撰

百納詩集

甲寅

項城袁克權規

原甫著

家居卽事

茅門合嶺色沙鳥鬪寒潮故國平川冷梁園老木彫詩  
情多不遇書味炯難消鎮日臨風處垂楊白板橋  
歡喜莊冬夜偶成一律

斗轉三更夢已闌燕城八月夜流寒連天露氣橫千丈  
匝地風聲繞一欄冷燭成灰消寶炬黃花照眼滾珠盤  
終軍早晚請纓就莫說淒涼不忍看

初冬早望

一夜寒風合玉晶衰黃蘆荻弄殘聲分明太液雲中見

不是神漿掌上擎  
委地龍蛇傷物化  
冲霄鸞鶴令人驚  
可憐歷落湖邊寺  
總抱沉昏未肯晴

北海雜興

佳興無時盡  
遠山復近山  
猿啼深澗上  
松老白雲閒  
靜極常忘返  
悠然獨自還  
愛來幽谷坐  
爲聽鳥喧喧

其二

門掩千山靜  
蕭蕭月一林  
抱琴彈幾曲  
萬里放雄心  
竹影搖虛幌  
湖光滌素襟  
鐘聲何處是  
相隔白雲深

冬夜

雞角角馬嘶嘶  
枕戈待旦今爲誰  
手把吳鉤霹靂起  
疑

是白虹與蒼兕  
伏波將軍今已亡  
班超老夫邇亦死  
時乎時乎不可留  
去如黃河奔騰水  
我知酒是亡國物  
何用燈下醉顏酡  
寒光千尺出劍匣  
擊牀宛轉更長歌  
一歌再歌三歌已  
海爲嘯兮山嵯峨

中海大霧

樓臺雖有當無看  
海上煙波鬱翠巒  
最是鯨鬚搖動後  
可憐鵬翮欲飛難  
三更寒氣催刁斗  
一點孤燈對畫欄  
我與世間隔幾許  
長空渺渺復漫漫

讀史二首

六國王孫去不回  
三千宮女倚廡台  
可憐輦破阿房道

全爲秦王一笑來  
仙掌金莖雨露中  
蘄年竟死未央宮  
茂陵石馬埋荒草  
漫對寒沙泣晚風  
初冬侍範孫老師北海夜遊  
良夜莫空過乾坤正寂寥  
何人去尋月舉手雲中招  
暗數燈靜沉沉萬念消  
相對無一語臨風立霜橋  
問君何所苦來此度寒宵  
屢問還不答我心自迢迢

北海感舊

東西復南北青草何茫茫  
巍然佳麗地闢此白雲鄉  
山勢比秦岱湖形似瀟湘  
褰裳一來遊塵世悠然忘昔日

金碧瓦莊嚴起華堂一朝兵戈至焦土與頽牆荆棘生  
庭上狐狸窺洞房對此浩劫餘能不感滄桑夜有杜鵑  
鳥鳴咽若自傷勸君君莫啼啼時斷人腸  
甲寅歸國感舊

櫻花掩映結重門花下霑襟望故園  
骨肉經年常入夢江山何處不消魂  
三秋籬菊叢叢老一紙家書字字論  
閒倚東樓虛度夜歸心明月兩無言  
果得金樽同盞十月十八夜踏月  
玄冬夜半長安城東鄰西鄰悄無聲  
前夕魄滿光不盈今夜何爲月獨明  
蕭蕭風動松竹鳴書齋危坐陡欲驚

百衲詩集  
三  
欲止不止下階迎衣裳飄搖踏月行睡眼迷離不問程  
未知刁斗報三更時來不樂愧此生當秉長燭遍八瀛  
哀歐吟

笳鼓喧喧送歲闌百年今復見龍蟠累朝金粉憐同盡  
歷劫干戈祇自殘豆泣甯知箕不死脣亡忍使齒忘寒  
仲宣悵望非多感蒿目時艱一笑難  
憶昔西遊上路時春風無力送鞭絲故宮殿外三更雨  
降國城頭百尺旗忍使天驕分俎肉會應國手勝危棋  
試看大雪埋弓馬獨坐黃昏更有誰  
燕城西望夢魂驚滄海無端咽暮營氣蓋八區千古少

雄吞六國一軍橫壯年竟抱乘風志大敵終成歃血盟  
天賦雄才知有意蒼茫未洗眼中兵

暮冬

禁城遙對翠微山乘興登臨獨倚欄庾嶺梅花沈曉月  
湘江竹葉醉高寒來年依舊人前過去世徒勞座上看  
三百六旬空往事雄心直欲挽狂瀾

讀史

三山何處訪真神半語能驚虎豹秦舞女歌童船不見  
邇來化作戶江春  
胡馬長嘶王氣盡白溝流斷宋江山那知三字沈冤日

百衲詩集  
四  
百萬金師已叩關  
懷英國校長夫婦

離離青草送王孫  
悵望天涯欲斷魂  
落日鼓鞞驚馬帳  
殘冬風雪老程門  
豈惟曠世希隆德  
况復臨歧有贈言  
記得荒村深夜否  
幾番剪燭話黃昏

中海紫光閣

高閣凌空望翠微  
風沙遍地捲旌旗  
歷朝帝主留遺像  
百世興亡感落暉  
鸞鶴有心雲鬱鬱  
魚龍失意雪霏霏  
武湯桀紂孰高下  
任與來人說是非

東園

東園有鳥兮載食載棲  
巢有二雛兮其鳴其啼  
白雲之深兮崑崙之蹊  
鳥兮歸來雛尙微嗟  
彼不來兮風淒淒

臘日

東城玉笛北城簫  
臘日寒陽動柳條  
雙闕鳳皇聲浩蕩  
九天鸛鶴影扶搖  
禁鐘有意催春轉  
蓮漏無情度夜迢  
卻憶去年橫海事  
關山萬里夢魂遙

長征行

我生未遍五岳閒  
未觀黃河九折灣  
一朝投筆振袂起  
北出長城度燕關  
行人馬上淚如雨  
我心悠然自安閒  
行人多謂行路苦  
我有壯氣破險艱  
驂騑橫載凌雲客

舉手能攀龍行迹上有渺渺之蒼穹下有滔滔之大澤  
長嘯頓使海成田呵噓能吹西方白暑夜更上美人峯  
天風爲扇玉爲席波羅得海水拍天浪花怒捲萬里船  
船外濤聲震人耳幽人抱膝方酣眠烏拉嶺高五千尺  
呼吸能通帝座側半夜清光鹿散湖蕩漾蓮船入空碧  
鄉音歲月兩奔駛歸來重見舊池水秋雨蕭蕭打梧桐  
春風瑟瑟吹桃李人生當作安期生何事促促閨房裏  
君不見司馬子長窺九疑又不見右軍滄海求樂死

冬興二首

瓊島晴開白玉甌乾坤日夜此中浮北來雲母愁難舞

東去寒江凍不流海國羈魂驚歲晚天山征戍望城頭  
故鄉松菊容清夢笳鼓何心總未休

神女鈞天侍早班漫將玉粟灑人間紛紛落木能高下  
點點飛鴻自往還何日策驢吟灞上當年住馬望藍關  
可憐極目生惆悵一夜無聲雪滿山

讀史二首

五國城頭月滿臺江山從此鬱難開可憐唱斷思鄉曲  
不見徽欽掩面來  
風捲降旛戰血腥錦江巫峽陣雲停朝臣縱有姜維在  
忍使君王醉不醒



風鈴天半落千層  
 忽見梅花剪素綾  
 眼底三山原自遠  
 手中一杖定能昇  
 誰教滄海成桑土  
 信有溟鯤化大鵬  
 惆悵何人知此意  
 殘冬笳鼓動觚棱  
 臘月  
 始頌綵樹薦春宮  
 岸柳初迴禁苑風  
 積雪研光消幕外  
 重山倒影入杯中  
 鳳城暖氣生丹闕  
 虎帳寒聲試鐵弓  
 祇有飛鴻偏早覺  
 凌空上下已摩空  
 憶舊遊二首

百衲詩集 乙卯

項城袁克權規 甫著

晚冬登白塔山

風鈴天半落千層  
 忽見梅花剪素綾  
 眼底三山原自遠  
 手中一杖定能昇  
 誰教滄海成桑土  
 信有溟鯤化大鵬  
 惆悵何人知此意  
 殘冬笳鼓動觚棱  
 臘月

臘月

始頌綵樹薦春宮  
 岸柳初迴禁苑風  
 積雪研光消幕外  
 重山倒影入杯中  
 鳳城暖氣生丹闕  
 虎帳寒聲試鐵弓  
 祇有飛鴻偏早覺  
 凌空上下已摩空  
 憶舊遊二首

散江愛水對衣襟終古城西落照沈雨後平沙千柳碧  
雲中錦嶂兩峰深野花到處迷遊目澗鳥逢時放好音  
馬上年年回首望天南天北一歸心英國  
風吹大野動旌旗幾識鴻門灞上威范子舟中看越水  
秦皇幄內發神機迷濛三月花經眼葱鬱千年柏合圍  
異地漫聞寒食過江山雖好不如歸德國  
冬夜與友人坐話

殘燈息火對寒更謾謾長松夜自鳴雲散月明孤鶴唳  
山深雪阻老龍驚胸中奇氣涵雙劍眼底胡兒合五兵  
天遣斯才終有用會將弧矢射長鯨

元月初六夜宴中大雪

蠟燭徹宵明殿上沸鳴笙誰言咫尺地不及梁園情瑤  
臺生玉樹太液凝寒晶祇此一時間皎皎萬象呈良夜  
易空過無力留殘更起舞望重霄長嘯使人驚  
與友人雪夜話舊

長安十月大雪飛漫空錯落如珠璣狐裘不暖炭不熾  
北風怒吼破竹扉酒酣起視日欲晡故人相對歡顏舒  
垂頭無語兩寂寞一燈照影相依於忽然一笑舉大白  
開燈重話舊時夕潭水如聞聒耳聲夢上青天弄素魄  
邇今相去幾何時過眼雲烟成故迹兩人長嘆復無言

後事茫然誰更識君不見百里滄海變桑田不磨惟有  
當空月  
題英國合操時船中小影  
塵鬢依稀憶戰圍山花草對征衣他年更逐扁舟去  
好在雲煙舊釣磯  
落梅  
委地繁英一縷魂東風吹斷月黃昏銅瓶迸作千聲淚  
金谷空餘兩袖痕旖旎晴光飛暖閣婆娑晚雪入寒村  
料知此夜林和靖庾嶺峯前不閉門  
舊歷歲杪偶成

塞上雄風震鼓聲冰屯戰馬尙能嘶難成短夢三聲笛  
不住長啼一夜鷄漫對瑤臺生玉樹別開暖殿辟寒犀  
屠蘇省却無須用小市家家醉似泥

北海舊時歌臺

五日一徵歌三日一選舞翩翩絕世姝年華正三五君  
王乘興來手製霓裳譜荒荒草木涼淒淒動簫鼓莫問  
舊時人東陵一抔土

憶歐洲

天南天北御長風泛海靈槎事已空漫對寒鐘搖子夜  
相思祇在月明中

百補詩集  
三  
花正開時酒正濃禁城遙隔嶺千重從今休向雲中問  
縹緲西天第一峯

五更星月繞殘釭小市寒聲透紙窗正是無情寥落後  
更堪孤夢度蒼江

馬上臨風立海湄海沙躑躅馬行遲燈前絮話圍爐夜

卻憶腸迴九折時

夷司奔海城

### 大風歌

白玉杯鬱金酒堂上把盞未入口堂下大風奔騰來兒  
童掩耳蛟龍走倒瀉三峽水有聲橫挾虎兕怒哮吼雲  
霧迷茫不見天盤殮落地空兩手蕭蕭索索灑飛茅凌

空上掛枯樹梢百獸失其匹百鳥覆其巢念我更有千  
金裘貧者可憐皮殭肉裂死拔劍一舞開天光三時晴  
霽雲如水

### 三海詞

寒陽灑瀲下芳津歌舞如今化作塵花落更開前世怨  
月明重照漢宮人

十二欄杆近洛城殿前殿後踏歌聲曉來打槩花深處  
驚起眠鷗點點明

### 和誠齋四兄盆梅韻

雲母窗前護絳紗芳魂半點入寒車東牆曉月還留影

南國佳人不勝花冰蕊頻搖疑玉蝶殘香細嚼當溪茶  
江城五月吹蘆管一夜新愁上客槎  
和抱存二兄靜心齋宴集韻

孤月照寒冰涼風振海隅赫赫繁華地有此鈞天居堂  
上羅賓客莞爾談詩書肆筵設酒肴阿閣交綺䟽言笑  
生風雲軒昂各自殊尺燭耀光輝盤桓興不孤主客雖  
云飽珍食尙充厨舉世騁駿足富貴接履趨我輩得寸  
壑盡意且踟躕君子各言長寂寞獨恥予賓客聲熙熙  
手足樂于于書畫絕人閒上溯千載餘我苦學無成擿  
埴更索塗長者涵古今滄海百川輸更有白髮師清高

曠代無時當冬之季窾木鳴枯渠雖期後日來且盡今  
夜娛沉沉烟雲中蕭蕭送歸輿

弔古四章

燕王臺

燕都千載峙高臺人去臺空鳥自哀白草依依山影出  
寒沙漠漠雁行回郭隗駿死留英骨樂毅營虛失將才  
易水蕭蕭流不盡長空極目碧雲開

姑蘇臺

姑蘇臺上舞西施姑蘇臺下草離離西子一聲歌白紵  
吳王大笑臥丹墀五千簫管橫吹夜三百宮人佇望時

空有金杯能醉月五湖范子鬢如絲

昆明池

水漲昆明舞畫龍鯨鱗不動白雲封飛花半作春江雨  
芝蓋空迴漢苑風王氣陵閒還鬱鬱離愁機上自重重  
武皇一去甘泉冷唯有寒星照陝中

銅雀臺

銅雀臺荒古相州春來春去不勝愁紅顏艷骨埋黃土  
白髮宮人憶玉鈎七子才華空逝水六軍羽仗動高秋  
館娃未解沈沙怨月滿漳江更上樓

乙卯早春

蓬萊宮殿水晶屏承露高盤對漢廷隔座芙蓉圖彷彿  
橫窗牛斗看分明花開禁苑堆春雪人在瑤臺映晚晴  
獨倚危欄渾似醉冰魂如水月如瓶

題拿破崙被困海島圖

十八年中驚世事幾希大業寸心違暗鳴到老千回劫  
惆悵臨終一局棋孤島潮流吞上下故宮花草憶迷離  
子規月裏啼痕在誰識英雄萬古悲

頤和園雜作

排雲殿  
香爐紫氣繞宮欄芸閣曾勞綵筆干北殿尙餘雲母扇

百衲詩集  
南交未貢水精盤庭闈歷落珠簾捲環珮依稀綺柱殘

殿中懸孝欽  
皇后畫像 太乙甘泉回望合年年雨露溼仙官

萬壽山

空山人不見猿嘯最深枝冰雪開春月松風動晚時昔

聞神女降潭水照幽姿欲問無蹤跡茫然空爾思

轉輪藏

雙塔遙遙北斗連空門寂寂大羅天烟雲繚繞參初地

欲說眞如更渺然

雜詩二首

東山遇樵子展坐長咨嗟去歲植長松夾道成蔭遮今

年望不成豺狼試利牙枝枝裂黃鱗根根起泥沙白日

逝流光對此傷春華

赫赫當頭日皓皓輕紈扇用之拂炎光涼風生素面一

朝秋露降棄置不相見萬一驕陽乘千金豈言賤

躑躅篇

螻蟻處深壤不見鴻鵠翅池魚傲尺水未識溟鯤志陽

光照寒階百草吐奇恣君子得其名小人肆其意誰不

騁駿足先登權要地躑躅豈不前我志懷仁義

病後登臺

萬里傷春草長門雁北回未知風意早先上望江臺

舊曆除夕

月色臨關迴人聲隔座浮誰家惆悵客此夜獨登樓

春夜

建章殿裏看疎星環珮丁東憶早廷惟有詩書還我用  
未知肝膽向誰傾凌空北雁排雲陣入夜西山掩畫屏  
漫說仙人吹玉笛一年一度彩鸞停

元月夜宴贈章五

才華老去驚燕市妙句新傳冠洛中明月有時開上下  
浮雲無處辨西東九城御氣江河碧萬里雄懷蠟炬紅  
莫道今宵難盡意關山舊日斷飛鴻

春晴

昨夜殘冬出鳳城東郊暖氣入神京試看赤日騰空起  
浩蕩春光萬物榮

早春二首

仙掌遙開映碧空曉鶯初囀未央宮鷓鴣啼罷三朝雨  
百舌招回一夜風未老王維嵩嶽裏封侯李廣柳營中  
可憐目斷關山路落日飛花滿地紅

景陽宮闕報疎鐘綵仗天街擁畫龍紅杏無情開二月  
碧桃有意醉千重春來紫禁風光媚柳拂欄杆月色濃  
悵望今宵何處是五雲端裏玉芙蓉



百神譜集  
春雪二首

芙蓉面面看珍珠一夜繽紛掩綠蒲分是鈞天含妬意  
漫同柳絮上階鋪  
開門疑對輞川圖夢繞寒江雁影孤姑射山中人似玉  
湘妃竹上淚成珠

雜詩

人生百歲閒感慨何由伸秋陽暉朝露悲風起素塵壯  
年伏牖下何異陳死人撫胸一長歎展轉無歡欣浩浩  
揚洪波悠悠盪白雲永期千載後幽思吐芳芬

子規啼

三月深閨聽子規夜闌却傍女牆啼閨中少婦愁春雨  
城上將軍望鼓鼙春雨綿綿愁不盡鼓鼙悵望夜淒淒  
庭階草綠郎何處明日陽關馬更嘶

疊元韻再贈章五

歌聲飛出未央宮王母停輿紫禁中大業期成三代後  
千杯醉倒五雲東春宵漏箭催人急月夜烟花映酒紅  
聞道玉門開北向長天應自起征鴻

九龍碑歌

山頭夜發千丈光星月皎皎爭朝陽似有神靈挾之走  
光芒直入中書堂異哉古碑不踰咫誰知精力能致此

造化生物不可稽竟藏鴻寶荆棘裏黃龍舌斷爪久亡  
赤龍目盲失却耳左顧右盼生風雲悅忽拏空欲騰起  
吾聞龍生大澤翔九天胡爲來此守枯水鬚張毗裂江  
海翻鱗振爪伸狐兔死何當霹靂奔飛上青霄震天門  
天門震落泣帝閣主宰無言北斗昏雨蕭蕭兮霧沉沉  
對此應酌酒一樽泰山可以移滄海可以填九龍不死  
長蜿蜒

有感

斗酒閒來一笑傾春風馬耳不關情賈生痛哭原非計  
祖逖投鞭豈足驚殘燭高燒蘭漏盡綺窗斜映早霞明

荒荒月夜空無語獨伴寒燈到五更

南海

雙雙瓦雀啄瓊瑤大地春迴雪半消日暖階前看舞鳳  
月明天半聽吹簫宮中禁火沉沉燕塞上飛鴻陣陣搖  
費盡東風無限力晴光不出洛陽橋

題宋本百衲史記

鄴侯架上認殘灰

舊爲兩齋丈藏幾  
焚於火今歸余有

夜月珠光照洛臺耿耿

寒燈人似醉興亡夢裏任徘徊

笳

日日春光拂柳開年年交塞夢初回千行雁影明妃去

百補詩集  
三峽猿聲杜甫來月下先驚關外客花前且盡掌中杯  
誰將散亂胡兒曲吹向湖邊起暮哀

過北海舊日狀元府第

曲塘搖落石梁荒八月清秋正肅霜病後心情花濺淚  
亂中棖觸賦沈香爲教玉樹浮春壘更使寒蘿伴女牆  
人去人來都不見空杯祇有月明光

擬古

桃花潭水百尺深上有幽人張素琴一撫能躍魚一鼓  
能舞禽空山有月圓如盤月出能照幽人襟高山流水  
金石音明月皎皎兮同此心

靜心齋十景

蘿月巖

泉清照石扉猿鳥靜相依如此雲煙地世人知者稀閒  
花池上落舞蝶樹閒飛三五娟娟月流光入我衣

韻琴齋

泠泠上五絃一撫一悠然倚樹迎新月憑窗看暮煙斯  
非人世境何似海山仙昔有淵明者高歌枕碧泉

焙茶塢

晚日落滄湄涼風正起時茶烟長裊裊柳影自絲絲淵  
意誰能識孤松若有知空山聞鳥語隔雨聽殘棋

抱素書屋

深秋月滿廬玉闕半輪虛桂雨侵階後松風拂座初曲池充荇藻幽架寓琴書忽憶成都客江村別有居

沁泉廊

澗水流紅葉寒林去獨遲溪聲方轉夢山月更縈思濯足還長嘯微風動綠陂迴廊開九曲相對默相知

畫峰室

細雨滌~~春~~蔬當窗畫不如朱欄牽白芍寶鏡印平湖梁上巢雙燕喃喃若自娛悠悠天地共得似此禽無

枕巒亭

虹光入北溟露氣滿蘋汀積翠迷銅柱微風奏玉鈴朝陽暉杜若雀鳥喜梳翎臥此松雲下蕭蕭自可聽

罨畫軒

溪流不到清風自辟塵修篁消盛暑養木閉深春獨有悠然意煙霞向我親武陵何處是無語落前津

鏡清齋

老柏竦中庭寒潭幾點星雲開高雉尾光射冷金屏翡翠巢深閣芙蕖吐遠馨仙人王子晉昨夜玉驂停

疊翠樓

四嶺嘯猿狙寒泉木影疏山深陶令宅日暮武侯廬鶴

百神詩集  
遠不知處梅花手自鋤歸來還閉戶餘事有琴書

北海夜歸

五更燈火上寒關穆滿青驄一夜間更逐蹄塵飛入月  
還乘大海望鰲山

久未見章五以此寄之

思君不見如沈月月去雲開自宛然渺渺晴湖同綺席  
悠悠明燭供歌筵蛟龍起澗寒泉下駿馬騰空古木邊  
去日干戈來日夢長安不入酒家眠

遊白雲觀二首

紫觀仙雲變古今金壇石馬碧苔深洞簫月夜吹芝殿

未識幽人一片心

草舍東偏產石芝春來向我放清姿雲中貝闕遊仙夢  
雨後晴窗看奕棋

煤山

守宮槐樹賸千圍健羽新成野鶴飛兩代歌塵空漠漠  
三春風雨尚依依臨危北闕衣冠在雪涕南山草木腓  
往事興亡祇陳迹憂時壯節獨歔歔

雪夜與章五坐話

六龍矯首起洪荒天半微雲夜未央桃李失時非慘淡  
鷓鴣有路任翱翔詩留燕水紗籠碧雪壓巴山笑語涼

百神詩集  
十三  
悵望國門高馬去漢宮柳色自蒼蒼

送吳辟畫師南歸

高明宇宙起宏才筆掃千軍萬馬開幕日卻依征旆轉  
故鄉今見錦衣回灞陵春樹雲中遠潁水龍鱗海上來  
人去江南思學士幾番悵望更停杯

諸葛武侯

帝子高軒立寢門風雲指顧定乾坤江流橫轉三分國  
陣馬雄屯五丈原未讓老臣全社稷空嘔心血答君恩  
奇才縱使安天下豈若桑麻把酒論

塞上曲

長安北上鼓聲豪楊柳春風佩寶刀無定河邊埋白骨  
飛狐城下醉蒲桃

北海春日

風來赤谷動長杉天上麒麟臥北巖野鷺翻翻飛遠渚  
沙鷗點點趁輕帆雲歸太極開金井鶴入蓬萊帶玉函  
如此春光人共醉蒼茫獨立日西銜

感懷

五陵王氣有時佳鳳輦銀簫下玉階雙伴仙童承露掌  
一行珠勒走天街蒼鱗夜靜風雲動石馬秋高日月埋  
盛世眼中人未老樽前何事不開懷

送範孫師南遊

大行積雪路迢遙白髮春風正寂寥  
萬里心懷秦隴月六朝山接海門潮  
東郊劍氣沖牛斗南苑蟲聲度禁宵  
祖餞先生因借問高歌何日起漁樵

讀太平天國史以詩紀之

雙懸日月照流年夜入金陵塞石川  
往事雲霓歌玉樹故宮禾黍掩花鈿  
臥龍直下東吳地躍馬橫依北斗邊  
竟使風光迷後主長洲宿草益凄然

蘇門山

蘇門北望見孤岑仙子臨風正鼓琴  
鮫海明珠流遠浦

潞墳曉月入長林九州未始書生業  
千古空餘鸞鳳音醉後試登湖上寺  
波光何處不開襟

法源寺賞花抱存二兄招往因事未得赴約  
以此記之洛陽才子騁高懷春滿珠林出  
禁街彩筆幾番驚斗宿苔花此日照瓊厓  
鰲竿近拂青瑤樹法曲遙回碧玉階  
太液神漿容醉客長門日日守空齋

夢中遇俶成海外以詩寄之

彌載干戈人事睽天涯海角倍凄迷  
春開御柳寒蟬動草綠陽關驛馬嘶  
有淚銅荷窻上雨無情銀箔枕中鷄  
何年共醉他鄉酒漫度重臺手更攜

百衲詩集  
馬 上

晨星搖落角聲闌  
太液新荷馬上看  
欲問前蹤空海月  
兩三漁火認江干

鄴園感舊詩

垂鈎亭

鰲竿斜映海天紅  
沙鳥飛翻水霧中  
今夜月明春岸遠  
烟波何處宿漁翁

紅葉館

紅葉重開舊館門  
東風吹散落花魂  
可憐細草無人語  
一檻垂楊帶雨昏

樂靜廬

明皇舊譜雨淋鈴  
腸斷廬前草色青  
往事不堪回首看  
落花流水靜中聽

嘯竹精舍

醪醑花下夜闌時  
水似粧臺月似眉  
夢到西湖橋斷處  
洞簫竹管隔牆吹

臨洹亭

潭水南來一派流  
聲聞耳底夜悠悠  
年年人去無明月  
人在湖山月滿廬

待春亭



百納詩集  
畫亭高燭照藤蘿子夜城中一片歌未信人間春事好  
花鬚柳眼共婆娑

五柳草堂  
先生千古臥黃雲此地空餘幾盞醺夜半韓陵山下寺  
鐘聲猶似隔江聞

洗心亭  
深山雨氣鬱蛟龍白浪千重樹萬重欲訪仙潭迷去路  
桃花流水碧雲封

夕佳亭  
老樹陰陰午夢長滿天飛絮落池塘誰將錦袖花間舞

化作清風一陣涼  
散珠巖

香爐峯上彩雲端萬丈奔流倒紫瀾分作明珠留月看  
照來白苧不勝寒

乙卯夏日書懷  
百子成淵海蒼茫少此文雍門歸馬住古峽暮鐘聞珠  
斗引弓劍焦桐振午雲孤懷空寂寞鬢髮自紛紜舊業  
開河洛新詩鬱潞汾悠悠楊柳陌浩浩羽林軍驟雨偏  
驚夢奇情不樂群長門瞻北極高閣入南薰楚些悲無  
盡班香手自熏寥天何浩蕩寸抱鬱芳芬

夏日北海靜心齋宴集即席賦此

世道今衰薄憑誰大雅扶飛虹通澗壑鳥道下荆吳虛  
澈探西子峻嶒望小姑玉池移雪藕綺座送冰壺亂耳  
無絲竹傾懷盡唾珠連營馳駿馬合殿臥紗厨微雨千  
荷戰沈雲一棹孤詩歌恣咏賞硯席共歡娛意氣誇投  
筆憂思問剖符神漿人自有未許訪仙都

圓明園行

崑崙西溯窮河源六龍秋駕愁天孫蓬萊太液不可見  
歸來卻造圓明園蒼梧夜裏啼鸞鳳水臺座底浮蛟龍  
犀筯燭夜開千樽星斗煌煌爲之吞艮嶽窮高極天尾

亦移峻石穿宮門豪華直傾四海珍湖山浩蕩若有神  
四院春風迷曉夢魏王已命畫眉人侍娥娟娟芙蓉面  
粧罷先應內府選三十六宮春草長從此玉人不相見  
宜春樓閣醉芳容桃李熏蒸花正濃羣玉山峯環縹渺  
龍旂翠仗卻相逢何人月下更私語長生七日降仙侶  
江南江北各有家浣紗溪水知何處日暮西山射獵回  
馬蹄怒起千里埃依依御輦行還止春和歌宴一齊開  
當時甘泉按翠管九城未破羗夷滿小憐痛哭別君王  
馬上回頭腸欲斷驪山烽火照藩籬長安入夜梟鳴啼  
麥飯何曾饗幼主燕萁豆粥忍言飢從此鼎湖去不返

蕭蕭福海秋風晚黃門猶自泣空房白髮未能來舊苑  
狐狸白晝跳宮槐深掩殘灰玳瑁釵宛轉有情銅狄淚  
蒼涼無語石麟埋邇來相去六十載彤庭青鎖今何在  
誰言百萬築阿房永峙千秋長不改我來弔古涕雙流  
盛暑不熱疑深秋海國廋空餘瓦礫黃花陣散賸梧楸  
豐碑臥倒無一字露台故址枕荒溝遺迹前朝誰與認  
黍離漠漠黃雲浮君不見華清宮祿山軍馬屯如蠡三  
郎掩面蜀道中九華閭闔今猶空又不見姑蘇臺吳王  
西子不復回呦呦麋鹿長徘徊勸君停杯聽我吟聽之  
可以開君襟聖王不作流荒淫裂帛自召焚瑤琳翡翠

瓜蔓珊瑚林鮫海明珠何處尋春花開盡秋花落朝日  
升時暮日沈富貴繁華隨手盡惟有鴻濛萬古天橫參  
燕京八景詩

瓊島春陰

承光殿北禁橋西玉勒青驄步暖堤畫井梧開鴻雁落  
上林花謝子規啼千家甲第朱雲繞七寶旛幢翠幕低  
漢武仙蹤何處是茂陵秋草倍萋萋

太液秋風

水雲榭底碧潮通一夜砧聲入月中海上青銅愁復見  
江間舞旆望還空滄波日下遊鱗紫楓樹霜前落葉紅

百神譜集  
自是宮牆關不住滿城白髮怨秋風  
居庸疊翠

高牙建羽擁雄關馬度涼州去不還萬古征人憐月色  
幾行血淚染衣斑金杯醉臥沙場外青帳看來水殿間  
曾有音書歸鳳闕將軍此夜入天山

薊門烟樹

北郭雲山草木稀黃沙漠漠少人歸汾陽鳳羽朝銅馬  
可汗龍城拜褚衣交塞河聲吞瀚海漢營曙色動旌旗  
長纓自昔愁無路何事傾懷論是非

盧溝曉月

四野鷄聲曉月殘誰家紅袖倚欄杆天峯斷處孤星落  
山雪消時一水寒邑館羈人思故里邊關宿將渡桑乾  
風沙不管顏如玉辜負琵琶馬上彈

玉泉垂虹

西望瑤池太液源疑雲疑雨正飛翻魂來故國依歸鶴  
夢老春江聽暮猿螭首晴陰關治化赤城鐘鼓報晨昏  
金牀玉几全無用小苑空餘蠟屐痕

西山晴雪

雲擁西山大野荒停杯著意正蒼茫十分月色峯前水  
萬里愁情雁後霜漠漠紫臺悲往事翩翩白鳥舞成行

終南自古銜雲嶺未負新詩入錦囊

金台夕照

九秋邊木嘯高臺羯鼓流沙動地哀  
戍幕寒天空鳥道  
霸圖東北想英才燕庭有表終淪替  
駿馬無人自去來  
祖道至今餘易水年年過客漫低徊

六月大雨夜作

海上簇雙峰窓前響暮鐘可憐當戶月  
此夜暗傷容朽  
櫪留征馬寒潭起蟄龍甘霖思傳說  
千載定相逢

曉起

蜀錦青羅看駐車上陽朱檻彩雲遮  
吹來一夜西陵雨

溼透千枝木槿花

梔子花

管領春風第一枝夜闌人靜酒濃時  
玉烟隔座無消息  
不待含愁也淚垂

初夏雨夜不眠坐吟二絕

新荷迎雨瀉長洲恰似湘靈弄玉喉  
此曲分明人未曉  
兩三白鳥上江樓

枕簟淒涼旅夜情當年抱病數殘更  
何如一綫天河水  
倒捲蒼厓分外明

贈藍秀豪上將

歸來秦姆河邊夢塵事依稀又一年

癸丑年同  
客英倫

關右朔風

屯戰馬江南梅雨溼征鞭封侯賈復修文筆解甲羅喉  
賦綺筵自許雲霞交友契瓊華竟日結詩緣

喜晴

綺窻遙望北山孤漫說冰心在玉壺夾水碧桃連御仗  
穿林紫燕避花衢中天看日迷陽谷午夜招涼佩蚌珠  
自有仙梯排霧起宏模未許賦三都

重過狀元府第

畫舫齋前鶯自語古柯庭畔柳初涼霓旌玉仗都清寂  
老木蕭蕭白日長

遊西山雜作

寶藏寺

松風催馬度禪關十里篁聲聽滿山自有迴廊來禁苑  
上方不用賜金環

昆明一點望溶溶殿閣遙開對碧峯檻外深巖迷舊路  
閒雲更比翠微濃

露臺跨澗壓晴嵐曳柳鳴蟬午正酣千丈女蘿垂素帶  
當中念佛鏤仙龕

徑流樹影水流沙偶到雲房駐錦車輕颺茶烟禪榻畔  
一簾山雨向西斜

臥佛寺

車塵占罷又鞭絲古寺無僧鳥自知漫說瓊林琴奏好  
甘泉濺濺下蓮池

榴花如火覆層檐雨後青苔瓦上添欲伴菩提偷自在  
近山風景隔疎簾

靜宜園

東辭鳳闕避塵烟西望群山見玉泉記得前朝全盛日  
鶯花三月看鞦韆  
楸梧高下聳危梯宿草荒萊景倍迷惟有空堂舊時燕  
一年一度啄芹泥

再集靜心齋呈誠齋四兄兼示南田

花烟依座掩青螺淑景芝房幾度過獨寫幽詩挑燭淚  
漫將遙恨付滄波星輝碧萼吟同幄月滿金樽醉薄羅  
悵立停驂愁未去不堪暮雨捲新荷

二十二夜北海散步

迤邐長林暗渾疑月入瓶近灣驚宿鷺古剎瀉流螢去  
處終難問人間不易醒朦朧荒澗上清唱答高冥

七夕

灑淚爭看暮雨多盈盈猶自隔星河歸音幾度傳青鳥  
離恨頻年寄翠蛾緱氏山中空往迹曝衣樓畔對秋波

百衲詩集  
迢遙漫說妨仙侶不謂靈槎竟夜過

風沙

風沙滿地鬱征輪金谷歌成酒入唇百尺旌旗分六國  
長城鎖鑰固三秦高槐暮靄啼黃鵠合殿涼雲蹙綺紋  
戎馬爭馳函谷道書生何日脫綸巾

殘荷

曉探玉沼數亭亭強似參差雨後青蕭瑟吳姬眠畫漿  
飄零楚客對朱船瓊膏冷沁芙蓉骨翠蓋平遮太乙星  
重是若耶溪上日不堪散葉咽蘋汀

新秋疊翠廬獨坐

桂子開時落綺檻百般蕭瑟譜新聲疎疎霜木橫雲斷  
拍拍江鷗照眼明舉世輪蹄催逝景長年衣劍伴瑤觥  
乘閒更擁危樓坐好聽秦家玉柱箏

逍遙篇

秋風起蘋末飄忽舉遐思爽籟發清音悠然動四陲撫  
此寸壤閒罔弗被丹曦變化移光輝努力貴及時結柳  
在路側素帶纖纖垂豈忘奮起心戀此綠水陂步出桑  
榆郭曠野遺所之欲往終南山惜無扁舟隨昔有乘海  
者勸我行逶遲飛車掣風電惆悵莫能追援筆成短章  
胸臆空交馳雖言千里程皓首終可期



中秋詩二首

江瀨臯蘭總不遲  
天香連理影參差  
瓊廈調譜潮生後  
巫館笙吹月上時  
漁浦雙粘憐自語  
素娥千里共相思  
年年此夜遙同拜  
未負朱輪下鳳池  
殿敞清虛夜未央  
獨將雲鬢伴繩牀  
霜開晚菊踈烟斷  
雁下秋江倒影長  
豈有仙方餐貝葉  
更無綺曲佐霓裳  
白中搗盡眞靈藥  
不借人間一粒嘗

秋夜二首

玉盤如掌印波平  
睡味滄浪入夜清  
渾是西風無賴甚  
又吹殘葉試秋聲

華館雲移掩碧梧  
蓮房露冷壓平湖  
依然十二橋頭月  
半籠烟沙上岸鋪  
延慶樓晚坐  
雨過空幃冷中庭  
夜氣凝韶華  
憐腕晚詩思自峻  
憎舊閣憑三晉  
輕車逐五陵  
長安多月色  
更上最高層  
新秋夜同諸弟  
北海泛舟  
霧裏瓊華桂棹停  
中宵無語看流螢  
不妨今夜莫歸去  
夢逐湖波下柳汀

飛飛

飛飛青鳥繞仙臺  
悵絕靈人域上杯  
蜃氣遙隨潮雨落

百神詩集  
蛟冰遠拂月華開  
北辰日暖停鸞鷺  
南國星沉哭將才  
十頃湖陰漪漾處  
翠微西望獨崔嵬

即事二首

迷茫細認舊征旗  
半掛斜陽半霧霏  
一自龍城少音信  
空閨省卻寄寒衣

楚人東去更南冠  
撥斷琵琶淚暗彈  
廿四灘頭渾不見  
此時合作霧中看

夜臥含秀軒不眠口占一律

疑明疑夢意輕投  
寂寞春臺下玉鈎  
永巷歌聲傳臘鼓  
寒窗木影落茶甌  
絕憐孤鶴歸滄海  
漫道仙城近畫樓

自有寒潭雲一片  
凌空度去總難收

過延禧堂呈誠齋四哥

石堤北望接昭陽  
看遍雲房又畫房  
仙掌近留歸雁影  
御爐遠送辟寒香  
梁園有主佳賓在  
小院無人白晝長  
零亂沙鷗何處是  
可憐上下戲晶光

元月初六夜宴集中  
海延禧堂獲觀寒雲  
二兄藏書多種兼  
聆高唱因爲詩以誌之

畫閣多年錦障開  
微吟此地強追陪  
連珠調轉千峯月  
片玉詞驚一世才  
金馬署空能再起  
漁陽日下不須哀  
人間參遍瑯環境  
會有青天白鶴來

百神詩集  
卷之六  
二一六  
春節前三日偕約厂約冲登白塔山憶夏時常來此地  
曾幾何時江山無恙而景物全非矣

入山笑語破層雲重見雲山眼下分萬澗松聲風乍起  
半天塔影日方曛空憐夕色多春色未識冰紋是水紋  
容覓丹梯同緩步九霄霓羽總堪聞

題自藏韓媛綉册子

纖纖玉手壓紅絲曠代人寰得此奇綉出江南腸斷處  
一雙蛺蝶蕩花枝

溫州府

溫州市圖書館